



Broj: 11-05-3581-54/19  
Sarajevo, 18.03. 2019. godine

**SKUPŠTINA KANTONA SARAJEVO**  
n/r Elmedin Konaković, predsjedavajući Skupštine  
-OVDJE-

**PREDMET: Odgovor na zastupničko pitanje broj: 01-05-3581-54/19 od 04.03.2019. godine, dostavlja se**

**PITANJE:**

Zastupnik Damir Nikšić je na Petoj radnoj sjednici Skupštine Kantona Sarajevo, održanoj dana 27.02.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo postavio zastupničko pitanje:

„Da li su osnovne škole u Kantonu Sarajevo u obavezi poštivati odredbe Protokola o postupanju škole u situacijama nasilja, na koje je saglasnost dalo Ministarstvo za obrazovanje, nauku i mlade Kantona Sarajevo i kada će ministarstvo odgovoriti na dopise i dokaze roditelja o kršenju propisa i zakona od strane direktora osnovne škole Malta“?

**ODGOVOR:**

Zahvaljujemo se na zastupničkom pitanju kojeg ste uputili Ministarstvu za obrazovanje, nauku i mlade Kantona Sarajevo.

S tim u vezi, škole su dužne da štite pravo svakog učenika, da uoče, preveniraju i poduzimaju interventne mjere u slučaju neprihvatljivih oblika ponašanja kod učenika i zaštite učenike od svih oblika nasilja/zlostavljanja u i oko škole.

Svi učesnici odgojno-obrazovnog rada dužni su poduzimati mjere zaštite učenika, te je škola u skladu sa članom 63. stav (6) Zakona o osnovnom odgoju i obrazovanju Kantona Sarajevo („Službene novine Kantona Sarajevo“ broj: 23/17 i 33/17) obavezna postupati u skladu sa Smjernicama za postupanje u slučajevima nasilja nad djecom u Bosni i Hercegovini. Protokol o postupanju škole u situacijama nasilja je izradilo Udruženje pedagoga Kantona Sarajevo, a Ministarstvo za obrazovanje, nauku i mlade Kantona Sarajevo je dalo saglasnost broj:11-04-38-7622/11. Škole u Godišnjem programu rada planiraju realizaciju programa prevencije maloljetničke delinkvencije, a u Pravilima škole, koja usvaja Školski odbor, propisuje se primijena Protokola o postupanju škole u situacijama nasilja. Shodno navedenom, odgojno-obrazovne ustanove dužne su da štite učenike i poštuju odredbe Konvencije o pravima djeteta, koja **najbolji interes djeteta** naglašava kao primarni u aktivnostima koje se odnose na rad sa djecom.

Drugi dio pitanja se odnosi na odgovor roditelju učenika, koji je pohađao OŠ „Malta“.  
S tim u vezi, obavještavamo Vas da je roditelj prisustvovao sastanku kojeg je upriličilo  
Ministarstva za obrazovanje, nauku i mlade Kantona Sarajevo, 13.03.2019. godine, a na  
kojem su doneseni određeni zaključci.

S poštovanjem,



MINISTRICA

*Mr. Zvezda Bogunić*

*Dostaviti:*

*1. Naslovu*

*2. a/a*



web: <http://mon.ks.gov.ba>

e-mail: [mon@mon.ks.gov.ba](mailto:mon@mon.ks.gov.ba)

Tel: + 387 (0) 33 562-128

Fax: + 387 (0) 33 562-218

Sarajevo, Reisa Džemaludina Čauševića 1

